

四庫全書

集部

欽定四庫全書

聖祖仁皇帝御製文第三集卷三十六目錄

雜著

古文評論 計九十條

欽定四庫全書

目錄

卷三十六目錄

欽定四庫全書

聖祖仁皇帝御製文第三集卷三十六

雜著

古文評論

韓愈

論佛骨表

義正詞直足以祛世俗之惑允為有唐一代儒宗

禘祫議

禘祫之議紛如聚訟此論折衷衆議條貫井然

復讐狀

典據精核益知經術之重

論今年權停舉選狀

於論事之中暢發閎議愈文徃徃有此所以迴出諸家之上

原道

奧衍閎深理純辭達荀揚輩未足方駕也

守戒

體局峭嚴字字精采杜牧守論蓋祖述此篇而氣之雄健則遠不逮矣

師說

提一道字為主識解最高而用筆尤極其古峭

張中丞傳後敘

敘致曲折如畫真得龍門神髓非徒形似也

爭臣論

一解一難開闔有法

答李翊書

好學深思讀書養氣昌黎一生得力略盡此篇

答劉正夫書

於樸茂中獨見風骨

與孟尚書書

昌黎文最為古峻今觀集中言理諸篇皆坦夷直截蓋欲明斯道於天下故語必歸於醇正

再與鄂州柳中丞書

談兵事文英氣勃發西漢晁錯趙充國每以此擅長斯
文近之

與祠部陸員外書

駕軼排宕極瀟灑之勢

送水陸運使韓侍御歸所治序

前幅舉其成功後幅勉其建績下語不繁而屯制之宜
已瞭然指掌

送浮屠文暢師序

昌黎力排釋氏而為浮屠贈言如此正原道中所謂明先王之道以道之者也

送鄭尚書序

光偉其氣磊落其辭而出以精思故爾超絕

送齊皞下第序

極頓挫激昂之妙文之最有機局者

送許鄆州序

寓規於勸凡為守牧者均當勒之座隅

平淮西碑

渾噩似誥銘高古如雅頌體裁宏鉅斷為唐文第一

曹成王碑

原本忠孝立言已操要領而敘事遣辭奇而能法碑版
之文此其極則也

處州孔子廟碑

氣體高深而古色黝然他家丹腹其辭終居下乘耳

魏博節度觀察使沂國公先廟碑銘

敘文簡質銘詞古奧其古奧處可及其簡質處不可及

袁氏先廟碑

揭出孝字便見此文關係不細而詞理淹綜足以發之

司勳員外孔君墓誌銘

老筆紛披彌見丰骨卓犖

烏氏廟碑銘

雄姿灝氣有揮斥八極之意

南海神廟碑

典重高華足以潤色太平鋪張盛事後幅拓開一步文境倍覺寬舒

司徒兼侍中中書令贈太尉許國公神道碑銘

古氣盤紆風格峭拔大類先秦文字

鯉魚文

用筆嶄嶄自是奇文

柳宗元

獻平淮夷雅表

頌颺國美之文典雅為上宏瞻次之華縟又次之如此
其上乘也

駁復讐議

挈出刑禮二字竝提作骨駁辨至為精核

晉文公問守原議

監議精嚴遣調警拔森然法戒之文

與太學諸生書

辭旨雅暢中寓有好賢與善之意故倍覺娓娓可思

答韋中立論師道書

命意深厚不為苛激之音

與韓愈論史官書

詞極雄辨理甚堅正

段太尉逸事狀

刻畫情事能使太尉鬚眉畢現與昌黎張中丞傳後敘

工力悉敵

封建論

博辨縱橫字字沉鷲中間錯舉秦漢唐之制引據甚精
斷制甚確

守道論

演迤條達須知柳州文中又有此一種

南府君睢陽廟碑

以兩漢之健骨運六代之腴辭

箕子碑

立議奇而不軼於法有此識力始可以尚論古人

陸文通先生墓表

表章經學之文要湏如此簡確

裴瑾崇豐二陵集禮後序

通篇惟用直敘此所謂淵雅之音故無湏於抗墜也

柳宗直西漢文類序

此篇逼真西漢近古而尤壯麗殆子厚所以自狀其文

品也

嶺南節度使饗軍堂記

雄深者其思理也整麗者其體制也復有一種俊邁之風格旋轉於其間豈非傑構

邠寧進奏院記

能於小中見大而體局弘敞詞亦足以配之

監祭使壁記

用筆謹嚴遣言典重始終以敬字綰結尤為扼要

興州江運記

敘述議論皆以典奧出之可謂壁壘森嚴神采煥發

劍門銘

不作縈紆之勢而自然矯拔錄此以式輕靡之習

白居易

初授拾遺獻書

婉異而多風納約自牖之義也

授孔戣右散騎常侍制

辭甚圓美

授鄭覃給事中制

嫺雅猶存典則

元稹

獻事表

機理淹暢不事雕績唐文之又一格也

論諫職表

文筆清疏而意獨懇到

與韓愈書

闢幽之言足扶名教

劉禹錫

許州文宣王新廟碑

古藻繽紛極為雅贍

李翱

論事疏用忠正

大臣忠正小臣莫敢為不正千古名言

屏奸佞

鋪敘之文自爾詳盡

改稅法

明白曉暢

絕進獻

論財貨從出之源洞中情事文復英爽切摯

復性書

惕厲其詞可以警學

平賦書序

經濟之文立論自佳

上宰相書

洮洮清辯雋利可喜

答進士朱載言書

行己之道為學之方是書約略盡之而其敘文章源流
正變處尤為詳確

楊烈婦傳

摹寫情事有聲有色末作斷語亦自詳整

高愍女碑

於大處發論局陣展舒波瀾空闊

田弘正

謝賜節鉞表

語語出於忠款絕無游辭

呂溫

功臣恕死議

逐段議論皆以兩意互發字字深峭氣體亦道上不羣

張荊州畫贊

義本嚴正詞復奇宕精理內含聲光外射

皇甫湜

論進奉書

指事切實能發天下為家之義

故吏部侍郎昌黎韓先生墓誌銘

淵奧古崛殆有意倣昌黎而為之者

舒元興

上論貢士書

侃侃發摠最為正論然國家固宜重士而士亦宜知所以自重如此庶兩得之耳

李漢

韓愈文集序

序昌黎文提道字為主詞旨深闕得不謂之知言

歐陽詹

太學張博士講禮記記

敘事中饒有樸茂之氣音節近古

劉賁

制策對

剴至詳明發揮經術此逼真西京文字可以追蹤晁董

李德裕

討劉稹制

德裕處分澤潞比跡蔡功似此辭義嚴明所謂制勝於

廟堂也

賜回鶻書意

簡嚴中能盡事理

賜回鶻可汗書

溫言撫慰而開諭曉晰深得布告諸蕃之體

奉宣撰太和公主書

詞意諄詳妙有操縱

賜石雄詔意

辭鋒精整足以壯鼓旗而新壁壘後幅戒以持重允為
樽俎名言

賜王宰詔意

詞不過嚴而意甚英決

又賜王宰詔意

兵事機宜規畫詳審非獨運籌之妙亦見馭將之權

代劉沔與回鶻宰相頡于伽思書

回鶻有功於唐故不用嚴詞誚讓而多勸諭之言以大

字小之義也

為宰相與李執方書

語直而意婉文特妙於布置

論侍講奏孔子門徒事狀

理解明確正論肅然

議禮法等大事

廣諮諏以定國是有識之言

論維州事狀

僧孺處置維州一事守匹夫之小信忘經國之遠圖誠
為失計此文可謂論據詳明矣

丹宸六箴

六事所陳周詳篤摯名言粲然

臣子論


立功立節兩言已括臣道而又以名節為本洵為卓爾
之見

忠諫論

多引事實略發辨議而意已明

近倖論

切於唐季一時之事實千古之龜鑑也



聖祖仁皇帝御製文第三集卷三十六

欽定四庫全書

集部

聖祖仁皇帝御製文第三集卷三十九至

臣 永瑤 恭校

侍讀臣孫球覆勘

覆校官中書臣龔禔身

校對官主簿臣郭祚熾

謄錄監生臣楊其梓

欽定四庫全書

聖祖仁皇帝御製文第三集卷三十七目錄

雜著

古文評論計七十二條

欽定四庫全書

聖祖仁皇帝御製文第三集卷三十七

雜著

古文評論

杜牧

罪言

綜天下之情形權累朝之得失如聚米畫沙不爽尺寸

原十六衛

府兵與藩鎮相為輕重而唐之興廢即因之溯源窮委

論斷獨精

戰論

四支五敗字字精確而文亦磊砢自喜

守論

風規峻邁文采燄然

燕將傳

筆力陡健極似戰國策中文字

鄭亞

唐丞相太尉衛國公李德裕會昌一品制集序

本以讚德裕之制作而益見國家功德之崇隆品裁宏廓筆墨皆靈

孫樵

復佛寺奏

就國計民生立論與昌黎原道永叔本論義相發明

書何易于

唐書易于傳全採此文蓋不惟工於序事而褒貶亦至公可信也

書褒城驛

前幅似主而實賓後幅似賓而實主此文家變化錯綜之法

孫氏西齋錄

文頗聳牙而是非不詭

李商隱

為濮陽公檄劉稹文

淹通朗盡文之以姿法勝者

羅隱

上招討宋將軍書

氣甚清疏頗挫處自然入古

陸龜蒙

復友生論文書

穿貫源流博綜理趣殆從窮經味道中來故絕無揣摩
影響之語

皮日休

請孟子為學科書

斥莊老而尊孟子此等議論在唐人中不可多見

請韓文公配饗書

昌黎衛道之功得此書推尊益覺昭揭宇宙而不朽

沈顏

象刑解

清拔之氣矯然自異

五代

後唐莊宗

冊封吳越國文

典瞻有則猶足懾強藩之氣

李繼岌

伐蜀檄

體本新藻而氣殊朗俊

李嚴

聘蜀笏記

宣暢威靈使臣之義應爾詞亦雅稱

周世宗

賜南唐主李景書

簡貴得體尺幅中備四時之氣

又賜南唐主李景書

義指溫厚不為逆億

伐江南詔

嚴毅明正自能使聞者懔然

王朴

平邊策

中一段議論乃吳之所以敝楚隋之所以取陳也籌畫
既善文亦復佳

南唐主李昇

舉用儒吏詔

崇尚儒術立意正大

論廷臣勿言用兵勅

此篇頗得保境息民之道辭亦警動

南唐主李景

災異詔

憫惻之思正無煩多語

答留守周宗乞罷鎮詔

鎔鍊雅飭

張義方

上南唐烈祖書

伉爽不羣僭國中之錚錚者

江文蔚

對仗彈馮延巳魏岑文

軒軒標舉略無娛靡之習

歐陽廣

論邊鎬必敗書

質言無華論事諧暢

潘佑

代南唐主勸南漢劉鋹書

事大之誠交鄰之道此書兩得之

馮涓

諫蜀主屢興兵旅疏

此亦是節要語然意已周至

辛寅遜

諫擊毬疏

意矯勁而語聳拔

田淳

言朝政得失疏

蜀文類不卑弱豈揚馬之餘風使然耶

吳越王錢鏐

杭州羅城記

涉筆嫺雅亦有淵渾之氣

丁思觀

諫楚王馬希範書

名義森嚴故辭論侃侃

宋

太祖

諭輔臣詔

承五代僭亂之後故以慎刑辟肅紀綱為要

平刑詔

明罰勅法情見乎辭

下孟昶詔

誼本寬大詞亦溫藹

禁獻羨餘詔

英明語正不在多

禁鑄銅詔

真懇之意溢於行墨

治河詔

簡要極有體裁

江南平下詔

骨秀神腴雅詞令則

太宗

非課最不書勞績詔

明達治體有裨黜陟之典

限日決獄詔

深得古人無留獄之意

禁喪葬舉樂詔

事關教化之本故言之不厭其詳

戒許王元僖等詔

可作一篇家訓讀

止尊號詔

撓謙之語出於至誠

答樊知古詔

起勢甚突兀詞義亦深確而不詭於正

選寺監官詔

古雅有則不類浮靡之音

平權衡詔

語本周官彌覺簡貴

議立贖法詔

本欽恤以為心故言之惻怛

賜上官正手札

辭約而理綜

申理冤滯諭

不為督責之辭而勸勉諄切仁者之言藹如也

答李至詔

明暢修潔

真宗

順時行火詔

事既近古文亦爾雅可觀

切責陳堯咨詔

辭雖峻切而意却寬厚

仁宗

戒貢士進學詔

廣勵人才深得激勸之道

恤刑詔

有益明允之治

禁按赦前事詔

詞旨溫厚意在蠲滌煩苛

立制科舉詔

制誥文以健筆為之便爾生色

給致仕官奉詔

曲體人情言之懇惻

改定樂制詔

淹雅之詞出之鄭重昇平氣象穆然可思

戒百官詔

琢句近古以適勁為工

頌樂名大安詔

制作闕乎典禮有此大雅之篇庶足以鋪揚鴻業

戒飭轉運使詔

能悉俗吏之弊故明透乃爾

戒百官詔

崇尚寬裕足以敦礪薄俗

賑濟災傷路詔

中誠惻然形諸言表

敝百工敦實行詔

治體貴乎惇大此詔得之

頒久任格詔

留心吏治播為令辭

英宗

飭百官詔

措詞雅潔亦覺陳言務去

飭舉人制

氣體頗似兩漢

聖祖仁皇帝御製文第三集卷三十七

欽定四庫全書

聖祖仁皇帝御製文第三集卷二十八目錄

雜著

古文評論

計七十三條

欽定四庫全書

卷三十八目錄

欽定四庫全書

聖祖仁皇帝御製文第三集卷三十八

雜著

古文評論

神宗

賜韓琦詔

仁言雋永

諭邊臣詔

從容不迫是盛世語

求直言詔

時有古氣磅礴其間

諭文彥博手詔

馬政國之所重宜加意整飭乃爾

求言詔

溫文安雅能以頓挫出之詔令佳品也

資治通鑑序

質而不浮足以綜貫源流包括全史

高宗

罷上壽詔

語亦悽惋

察吏詔

達於政體之言

幸學手詔

整練有餘視北宋諸詔文又一格調矣

禁加耗詔

真實辭不假文飾

孝宗

斷獄詔

有古崛之風

獎諭魏王愷詔

篇短詞腴極有古趣

興水利詔

情勢朗豁言故鑿鑿

賜魏王愷詔

辭甚雅令

禁兩稅折錢詔

酌盈劑虛言獨款悉

罷官鬻鹽詔

真切處可以感人

光宗

諭守令詔

本末先後四字措語甚約而包舉甚博信為政之紀綱

寧宗

賑荒詔

詔意諄復仁心為質

理宗

從祀五臣詔

一事而有關於載者如此等詔文是矣

罪已詔

語自懇到不為矯飾

張齊賢

論安邊疏

議論能探究源本而文體亦堅重不靡

田錫

論邊事疏

思慮深遠老成謀國之言

上太宗疏

通體愷切而無亢激之氣

王禹偁

請諸邑嚴守備疏

備禦有方在當時為救弊之要

長洲縣治記

清晰之筆

陳靖

勸農疏

名論碩畫切實不浮

魯宗道

請重親民之官疏

斥言吏弊詳確無倫

孫奭

諫祀汾陰疏

颺發泉流不以字句見長

再諫祀汾陰疏

與前疏雖出一意而彌增剴至

論天書

明摯聳聽識解視王旦諸人高出數等矣

尹洙

諫時政疏

三事中言必中的不僅以條暢為長

蘇舜欽

玉清宮災上疏

湛深經術發為讜言宜其雅健乃爾

宋祁

言災異疏

明而無隱樸而不支

張方平

條制資廕勅

弘此遠謨育才厚俗胥有賴焉

論屯田

源安分明事理詳悉

王珪

賜吳奎免恩命不允詔

淵然古色

戒諭夏國主詔

辭不過嚴而簡潔有體

賜皇長子淮陽郡王免恩命不允批答

深潤無俗氛

賜皇伯祖承亮改封秦國公免恩命不允批答

舉止闊遠絕去纖弱

賜韓琦免明堂恩命不允批答

鉅典闕辭略見此答

除富弼制

氣局闊大非鄭公不稱此辭

蔡襄

論增置諫官

指事殷勤意亦悠然無盡

送黃子思寺丞知咸陽序

以令與宰相並舉益見社稷民人之重

包拯

請罷天下科率

深見精慮發於言表

論委任大臣

理正識超議歸矩矱

石介

明禁

法令有重輕行之有本末本末輕重一舛則民罔知所
從此篇深得體要而文亦爽健

上賴川蔡侍郎書

正辭不撓一種虛受之意自藹然可掬

吳育

駁唐詢請停賢良茂才二科疏

詳達之章既有益於人才亦有關於政治

錢公輔

仁宗配明堂議

文雖專論一朝而事關典禮可備採擇

鄭獬

應詔上疏

籌時經世蓄於心而發於言

備亂

拈出公私二字立論最善而文筆矯矯足以勝之

范仲淹

上時務書

不為峭急之音而意自深至

推委臣下論

博求賢士一篇大意文最穆然可思

韓琦

諫垣存藁序

進言一衷於理而出之以至誠得古人臣獻納之義

富弼

辭定策遷官奏

沉至中益著惓懇

司馬光

上殿論御臣劄子

通達古今故發必中的

請定儲貳疏

無雕鏤之迹發乎自然

上皇太后疏

思理淹詳立說明整

上英宗疏

義正辭明可祛紛紜之論

論治身先孝治國先公疏

兩意竝舉引入入勝

上英宗言時政闕失疏

質言無飾文復雅健

仁宗配明堂議

詳據典禮可正諸家之謬

崇奉濮安懿王典禮議

名義正大千古不磨

應詔論體要

反覆條暢綽有餘裕

辭職疏

不泛作辭榮之語故爾可傳

乞省覽農民封事劄子

備言民事艱難以深斥新法之害周詳隱惻得無逸一篇之意

論皇城司巡察親事官劄子

超然知體之論

五規

五篇振挈要領可謂碩論訐謨而氣體亦深厚爾雅

乞改求諫詔書劄子

言事之文能扼理要

知人論

用筆如剗犀截象斬然有勢

范鎮

請裁冗官冗兵疏

洞中當時情事故明快如此其欲寬民力以為備尤為

國家本計

再陳官冗兵多疏

詳復推原文勢愈緊而用意愈切殆彌災之本術經國之藥言也

范百祿

對制科策

正論典禮之失故詞不嫌於激切

聖祖仁皇帝御製文第三集卷三十八

欽定四庫全書

聖祖仁皇帝御製文第三集卷三十九目錄

雜著

古文評論 計八十六條

欽定四庫全書

卷三十九目錄

欽定四庫全書

聖祖仁皇帝御製文第三集卷三十九

雜著

古文評論

歐陽修

勸學詔

斟酌得宜意頗近古

弛茶禁詔

慮周細事言復仁藹

論刪去九經正義中讖緯劄子

漢儒於經學表章微緒最為有功而間引讖緯未免駁雜此論自是卓識

論臺諫官唐介等宜早牽復劄子

於氣度舒徐中見其爽直論事極中窾會

乞補館職劄子

清言如屑可謂其風肆好者矣

論杜衍范仲淹等罷政事狀

從四人事跡顯然處一一引証更不自立議論遂爾警切

上范司諫書

情義諄篤文思安雅大家中有數文字

代人上王樞密求先集序書

有起伏有開闔氣雄而筆宕

本論

揭出禮義二字見歐陽為學有本領處以此繼昌黎之後武倡濂洛之先聲扶翼名教厥功非小

為君難論上

文氣峻決是極有斷制之作

為君難論下

議論與故實相經緯機法略似上篇

縱囚論

以緊峭之筆發深摯之思故持論甚堅而有力

唐書兵志論

源流得失洞然指掌

唐書禮樂志論

綜次淹洽而妙有鎔鍊

唐書藝文志論

振宕中却寓眷容之概自是歐陽本色

唐書食貨志論

正議被以雅辭泐泐可誦

五代史前蜀王建世家論

目光遠矚於治道極有維繫

五代史馮道傳論

文既高妙而寓意特深

五代史周臣傳論

偉論出之閒淡是歐文獨勝處

五代史唐六臣傳論

興會淋漓無意不暢

五代史官者傳論

筆愈轉則勢愈緊勢愈緊則意愈切如千巖萬壑狀流
迴瀾豈非文章極觀

五代史伶官傳論

抑揚頓放中無限烟波文之神似龍門者

朋黨論

敘述最詳論斷最緊故能淹通事理剖決嫌疑集中傑
作也

送徐無黨南歸序

自待甚重故立論皆高人一層

吉州新學記

格局闊大波瀾老成

王彥章畫像記

錯綜開闔自然入妙與柳州段太尉逸事狀神理相合

豐樂亭記

歸美國家太平以為豐樂之由立言有體而俯仰處更

多閒情逸韻

胡先生墓表

安定教士之法規條最詳篇中專舉此事殆所謂論人必於其大者也

瀧岡阡表

敘述先德情文深婉令警欬千載如生可謂仁孝之言

周惇頤

太極圖說

拈一靜字是周子教人為學喫緊工夫然須是仁義中正始為有本之學否則淪於空寂矣此可見先儒之言毫無滲漏處

張載

西銘

孔子嘗有言曰仁人事天如事親西銘精奧確切深有以發明孔子之意程子以為仁之體盖有見乎此也

與呂微仲書

佛氏之說不可窮詰此專就道理上一一辨駁直使之
無說自解

程顥

論君道

純儒之學實際之言

論王霸

識論皆不落第二層可以見其生平學術有原本處

論十事

十事皆切當時之務儒者之效優於經濟乃爾

論新法

據理駁論不屑屑勘及利害所見獨超

答橫渠張子厚先生

動亦定靜亦定顯微一致是徹上徹下之功若離絕外
物以求靜此釋老之學所以別於我儒也明道此書最
為明白的當

晉城縣令題名記

義存法戒即一記亦不苟作

程頤

上仁宗皇帝書

所學既純故規模自爾正大

代彭思永論濮王典禮

引喻甚明持論極正可以折羣喙之紛紛矣

上太皇太后書

程子自任之重隱然有堯舜其君之意殆與伊訓說命

之篇後先光映者也

論經筵第一劄子

總在本原上著意發為議論故純正宏闊絕無偏駁

論經筵第二劄子

匡輔翼贊之道略盡是篇

易傳序

言理精要包舉全易

春秋傳序

先聖作經之意後人以揣摩穿鑿之見求之則滋晦矣
三復此文始知先儒為學精慎如此

答朱長文書

言貴立誠文以載道此能闡發其旨覺善誘之心殷然
無已

顏子所好何學論

備舉學聖工夫語語自親歷中得來故無一切影響之
言

明道先生墓表

在伊川言之無溢辭在明道當之無媿色

楊時

論王安石邪說疏

安石學術深為宋世之害龜山得統程門辭而闢之其
功偉矣

答陳瑩中書

疏解精奧足以發揮易理使學者渙如水釋

范育

正蒙序

正蒙一書廣大精微無所不有學者欲探溯道源此其
津筏乎

王安石

范鎮加修撰制

詞指鄭重

高旦可著作佐郎制

語有典據

德妃沈氏姪孫獻卿可試大理評事制

婉愜可誦

磨勘轉官制

得古人考課遺意

王伯恭轉官制

莊重得體製

甘昭吉入內副都知制

古人言正於羣僕侍御之臣此猶得其義

崔嶧刑部侍郎致仕制

適古之篇贊勉交備

上時政疏

詞極嚴勁氣則浩瀚

論館職劄子

以窮理知人為本立言有要

禮論

論禮原於性能條暢其說而文亦具有古雋之氣

周公論

論雖翻新而不入於深刻辨難之文此為雅則

三聖人論

聖各詣其極非必有意矯世而文勢組舞自奕奕動人

上田正言書

書意從昌黎諍臣論得來筆自伉爽

虔州學記

論議却自醇正文章極其疎古

度支副使廳壁題名記

守法者吏即有治人無治法之義文亦筆筆入古

慈谿縣學記

此與虔州學記皆借一州一邑發揮大議閎闊重厚之
文

復讐解

極意論駁自成一家之言

給事中孔公墓誌銘

敘述清疏善於裁制

廣西轉運使蘇君墓誌銘

敘次中能備輕重淺深之法文亦抑揚盡致

泰州海陵縣主簿許君墓誌銘

情辭相稱

王深甫墓誌銘

通篇純發議論格調自異而文思倍加沉鬱

王安國

後周書序

借周書發論識意矯矯迴別庸音

蘇洵

上仁宗皇帝書

反覆數千言於天下事瞭然心目自爾快切明透

上富相公書

左縈右拂極文章之勝入正意處隱躍不露更覺深婉

修禮書狀

思深慮遠故能為此嚴正之論

春秋論

持論最得要領用筆更沉著精鷲具此識力始可以論斷古今

明論

辭義精核處自鑿鑿不磨

管仲論

正意全責仲不能舉賢自代獨見其大而行文極有法度

辨姦

識見明到要從學問中得來非億中也

用間

通篇皆說間不足恃而始終不脫却間字開闔縱橫文之能事備矣

六國

稔悉情勢步步深入歸到大意如千鈞一發壁壘皆新
張益州畫像記

不屑屑述益州治狀措詞高渾而精采光芒溢於毫楮
上韓昭文論山陵書

忠告之情直諒之言


余靖

正瑞論

涉筆開爽可以正緯書之妄

姚璠論

論史官職守能中事理不徒資掌故備蒐考也



聖祖仁皇帝御製文第三集卷三十九